

郡人 王應山 纂輯

湖南侯官勝蹟

西出迎仙橋折而南爲高峯菴陸庄園柳橋康靖王墓王
公大宅聖堂鳳山陳紀墓舒汀墓西宮西禪寺馬森墓石
湖橋西禪浦鳳凰岡諸賢祠仙崎鄭公渡瓜山潘柄宅鄭
潛宅澤苗江吳山吳與南陽山大帽山古靈陳先生祠林
憲宅古靈廟靈隱寺靈源院黃岸江芹洲龍湖山陽泉安
林寺報恩院陳鑑墓

高峯菴在西教場柴巷內有橋跨河橋南有菴比丘居之又南

卷三

求放心齋

爲泰山行祠

陸庄園在高峯橋之西宋陸蘊與其弟藻所營別業也園池亭
館今頽廢悉爲平疇 明王偁晚過西郊陸氏山池淡淡牽
銀藻娟娟種玉蓮誰開照膽鏡中有洗心泉萍散山流影雲
收月墜天願隨鷗鷺侶薄暮宿寒烟

柳橋在車市都唐時闢南湖于此今惟一港以通舟航從西水
關出入有石橋跨其上舊名中濟有亭今廢 明王褒湖南
田舍藹藹湖上山迢迢湖上路田家南湖濱三五亦成聚朝
耕湖上田暮喚湖上渡老稚遠相迎牛背掛農具今年喜有
秋不爲租稅慮牀頭釀茅柴取醉羅栗芋相看桑麻長焉識

一 簪組誤縣門久未入且樂成嫁娶 湖山近人家烟火隔籬
落愛此湖田肥生產願自託兒孫日長成努力趁春作驅牛
耕遠坳牽犢鋤近郭農事喜及時秋收聊可悅積穰登倉籍
餘粒飽鳥雀村芻有濁醪莫負隣翁約笑爾東西人誰識
家樂

王公大宅在陸庄公大宏治鄉薦浙江運同遷滇南守以道遠
丐歸終養

聖堂在柳橋之西偏跨河上祀真武
鳳山在柳橋之南平田中突然一峯又名黃山

陳紀墓在鳳山之陰紀成化五年進士累官副都御史卒賜祭
卷二
二
求放心齋

墓紀歷內外臺當官廉介所居在下渡

黃山橋在黃山前

康靖王墓在草市都茶園山 國朝永樂間古麻刺國王入貢
至閩疾卒賜謚康靖有司營葬春秋祭之其陪臣數姓俱內
附至今廩食于官

舒汀墓在西禪山汀嘉靖乙未進士監察御史忤嚴嵩出爲雲
南副使又謫州判卒海內稱爲真御史云

西宮在西禪山之東梁時王霸父增自齊朝渡江入閩善黃老
術霸幼習之每登怡山經宿乃反年三十遊武夷積十六年
始還舊居山南鑿井有白龜吐泉煉藥旣成點瓦礫爲金是

歲闋中斗米千錢乃鬻金運米食貧者後以餘藥服之旬日
如醉忽於所居皂笊樹下蟬蛻而去貞元中觀察李若初登
樓西望有五色雲當其宅遂以爲冲虛宮并祀徐登董奉任
放爲四仙祠俗呼西宮萬曆初尙書馬森卜兆其地移建今
所 唐神童林傑王仙君壇口占羽客已登仙路去丹爐草
木盡凋殘不知千載歸何日空使時人掃舊壇 周朴西宮
詩王君上昇處信宿故居前皂笊卽須朽白龜仍亦全雲間
猶一日塵裏已千年碧色壇茆黛今時誰可仙 宋王逵詩
脩煉曾居此傳聞實未嘗壇留皂笊樹人去白雲鄉龜得胎
中息神藏肘後方遼東鶴未返華表夜蒼蒼

卷三

三

求放心齋

西禪寺在永欽里號怡山一名域山寺壓其上卽王霸所居也
隋未圯廢唐咸通八年觀察李景溫招長沙媯山僧大安來
居更新之後唐長興中王延鈞更名長慶淮兵燬焚獨佛殿
法堂西僧堂僅存宋天聖間營葺始就周垣九百丈居三千
人有奎華閣明遠紫翠二亭放生池諸勝僧慧稜時侍雪峯
有悟後來住山 國朝宣德二年重建屢脩茲寺爲侯官第
一禪林 宋李觀怡山長慶寺詩行行金碧裏氣象恍如春
不記來時路自嫌衣上塵院香知有佛僧靜似無人十載京
華夢相逢一欠伸 李綱西禪斗車堂傑閣雄樓杳靄間佳
辰良夜共躋攀斗回高柄臨華棟月湧清光出遠山急景行

將悲晚眺此身難得到寬閒世間百慮何時了且對金樽一
解顏黃裳題西禪寺誰是怡山不滅仙定光來應此方緣
龍驤鳳翥三宗子獅吼雷鳴六祖禪魚佩獨垂聊狗世藕絲
相感爲開天自從日月歸真後衣鉢何人已得傳王偈宿
怡山蘭若別路繞珠林秋來落葉深一燈今夜雨千里故人
心已覺空門幻還驚旅況侵坐聞鐘鼓曙離思轉沈沈鄭
善夫病起步西禪一春伏枕鶯可憐病起野池明白蓮偶爾
梳頭出城郭便因看竹到西禪天晴求食鳥雙下日午閉門
僧獨眠明發螺江有行役紅塵白鴈異風烟林世壁遊西
禪寺曉色帶江城疎林空翠晴捲茲秋風爽復得賞心清寶

卷三

四

求放心齋

剎凌雲聳金繩倚日明巖花相映發谷鳥自和鳴世界人天
接河山歲序更佛香烟共暝法鏡月俱盈悟理非關象超元
詎可名云何牽世網擾擾負平生王湛遊西禪烟際辨禪
扉山深竹徑微鳥窺雙樹下僧踏芹雲歸林葉飄秋色巖花
媚夕暉應思塵土客此地到應稀徐燠遊西禪寺野曠烟
光薄林深暑氣微亂蟬鳴覺路一犬護禪扉花竹通諸徑旃
檀大幾圍雲房吟卧久直到晚涼歸陳椿重過西禪寺城
市蹉跎忽幾春重來古寺對佳辰天花競座香仍在芳草銜
杯迹已陳門掩孤峯巢野鶴鐘鳴雙樹斷行人無因更證三
生果竹杖蒲團寄此身徐燠遊西禪寺松門雲際寺花木

轉幽深處處欲投足房房生住心苔紋青繡壁荔枝火赤燒林
一徑斜陽外歸僧逐暮禽 謝肇淛遊西禪寺城西十里路
春樹變鳴禽遠寺尋鐘入山僧避客深雨花天外落石榻洞
中陰悟得空門意吾生已陸沈

馬森墓在西禪寺前舊冲虚宮地森嘉靖十二年進士積官兩
京戶部尙書卒賜祭葬贈太子少保謚恭敏

石湖橋在美宅里舊西宮前

西禪浦在西禪寺前外臨三港爲江內有小浦達于河渠跨浦
爲橋濱江有渡通鳳岡諸處 明曹學佺西禪浦夜泛問津
寺門路遙遙送孤鐘浦口雖云狹漸以臨大江江路亦有常

卷三

五

求放心齋

但與潮汐通燭火代明月漁者聊爾同林葦風颼颼所過非
一峯戒心告乍息當路有偃虹如此歸已矣夕漏聞之窮
報恩寺在一都唐天復三年建今廢寺前有渡猶存又有楞伽
寺亦在一都今廢

鳳凰岡江水迴環劉氏居之又有三十六宅所產植多荔枝龍
眼有橋二曰陳橋曰周宅 明陳鳴鶴江居荔枝沿岸鳳凰

岡草舍蕭蕭近夕陽釣罷獨眠舟不繫任風吹向酒家傍

曹學佺鳳岡荔枝林有懷誤舟丹穴去如息碧梧陰欲奏求凰

曲青山誰賞音 謝肇淛鳳凰岡橘園洲上露如霜江樹江

烟望渺茫布穀聲聲春雨後荔枝陰十里鳳凰岡

諸賢祠在鳳凰岡初名五賢祠宋儒劉彝康夫藻砥礪凡五人
後增嘉譽世南子玠更今名歲以春秋致祭彝字執中師胡
瑗以明體適用爲學第進士熙寧初言新法不便出知桂州
康夫彝從子也熙寧間進志術二十七篇其文皆根柢仁義
鄭俠表其慕藻字昭信明禮學又精于易嘉譽子世南世南
二子砥礪礪子子玠竝詳郡志

仙崎一名陰崎在十一都江源出永福明溪與陽崎對峙山顛
樹木蔭翳居民稠密臨于江澚有岐江寺 明徐勣憩岐江
寺忽艤沙邊櫂來尋江上村危峯晴展剎恠樹老當門翠靄
迷珠網香風動寶幡數聲鳴石磬花雨落黃昏 謝肇淛江

卷三

六

求放心齋

寺孤舟停水宿雙屐暫相過地僻人來少秋深木落多江聲
寒枕簟野色隔藤蘿坐久忘歸去樵林起暮歌

鄭公義渡在仙崎江行者南北必由此出涯以濟鄭潛避地瓜
山迺創義渡捐田以給舟子行者便之處士吳海爲記

瓜山在二十都山有三巖直下分派如瓜故名中巖之下展坡
平曠居人環繞爲一鄉之會 明謝肇淛宿瓜山潘氏宅紅
蓼映柴門疎梅拂短軒社歸秋燕冷衙散午蜂喧耕鑿村居
便詩書世業存山中無歲月雲氣自朝昏 陳鳴鶴題瓜山
潘氏二首閒居寂寂似潘安曾是先人舊講壇五百餘年三
畝宅竹門遙閉萬峯寒 寒江曲曲路縈迴庾信園林半種

梅獨立淡烟殘照外繞村秋色稻花開 徐熈舟次瓜山鄭
公渡口石橋斜山色重重碧似瓜遙望炊烟青不斷蓼花深
處見人家

潘柄宅在瓜山柄字謙之與兄植從朱子遊其學以務實爲本
不干仕進學者稱瓜山先生

鄭潛宅在瓜山潛歛人元至正中以泉州路總管致仕寓居懷
安嘗建義渡義學子居貞以薦辟官叅議與方正學友亦與
其難事見表忠錄有文集數十卷孫炎隱居教授曾孫培著
有畊雲稿 明徐燻過鄭居貞故宅秋草離離故宅扁斷猿
啼鳥不堪聽萋宏碧血無尋處剩有詩名在汗青

卷二

七

求放心齋

澤苗江在十一都發源在永福溪北流歷侯官古靈而下東巖
則瓜山黃巖大鵬諸山之水匯流于此至陰崎乃與陽崎江
合江之陽張氏世居之淳熙初鄉人嘗建石橋

吳山在十都相傳吳翁隱此故各有溪源出永福流三十里入
西峽江山之陽有蟠與林氏居之叔姪同登景泰辛未進士
璟官御史孔茲叅政 明陳鳴鶴吳山江夜泛星河倒影一
江清殘月孤舟鏡裏行潮落海門漁市開露零沙渚鴈羣驚
幢幡兩岸東西寺鐘磬中宵遠近聲釣罷獨眠何所事蘆花
烟水過餘生

吳嶽與吳山相連江心有山呼小君山吳山人洪棲隱於此洪

處士海曾孫知縣鏘之子也抗志高尙雅通禪學薦紳談之
明鄭善夫訪吳山人隱所脫屣吳居士尋君江水遙雲房
生夜氣薛牖散春潮榻靜聞空籟情高夢九霄從茲畢靈寶
不赴小山招 王文旭宿吳隱居故宅早時季子幽居處石
室來遊異往年遠樹暮烟春寂寂空山涼月夜娟娟禦寒猶
自明書幌琴古真成愴斷絃何必隣人更吹笛荒亭問字幾
潛然

南陽山在十二都瓜山之支也山巔有烏江潭其潭有四以風
雲雷雨爲名巖石險恠人跡罕到每潭濶丈許相傳有龍居
之潭上雲霧騰踴則大雨如注歲旱鄉人有禱輒應罔或作

卷三

八

求放心齋

虹山東有山曰新安有嶺曰大步其石如伏羊

大帽山在八都古靈南連福頂山腰有石室名天乙巖深邃可
容百人一名小方廣一名羅漢洞巖西南隅甘泉湧於石上
可資羣飲竭而復盈有文筆峯又名席帽山其山多藍草
明鄭定詩天乙巖頭髮長嘯雲散天高秋杳杳石室涼生六
月寒海天望斷三山曉 林誌詩層峯聳翠拂雲標絕頂凝
香暑不消孤鶴遺踪天路通數螺浮甕海山遙 高棟詩文
筆聳孤翠高標鶴層穹氣奪衆山秀屹爲三山雄何當
觀於此巢雲松

靈隱寺在八都古靈唐咸通二年建又有安德院唐大中初

靈源洞宋嘉祐中建古靈多佳境有後灣渡月山崖安德泉
懸崖甘冽如匡廬瀑布又贊公房碧玉潭落鏡橋小天台蟠
龍石逗雲亭在諸梵宇中今蕪沒 明陳亮靈隱寺世路多
喧囂春山白幽靜偶從澹蕩人共陟招提境沙明日在野林
暝雲起嶺憩石歌且吟傾瓢醉還醒方欣靈府曠漸覺塵慮
屏預恐解攜歸愁襟復難整 林鴻詩靈隱知名剎龍宮最
上方越山當戶翠海樹到樓香說法觀心安懸燈共夜長浮
生一何幸乘此禮醫王 林誌詩海上三山隔弱流梵宮獨
占此山幽香臺月霽曇花曙丈室苔封貝葉秋宦況暫辭青
瑣去錦歸莫戀白雲留諸天不用藤蘿鎖早晚乘風到上頭

卷三

九

求放心齋

又古靈十景清溪源發古靈山小渡縈迴出後灣竹徑暗
通流水入柴門相對落花關清時利涉居人少白日空橫野
艇閒記得舊遊曾買棹一篙春雨逐鷗還 雲斂前山露半
峯恍如初月出林東清光欲曙香銷桂灝氣凌雲魄映空春
缺秋盈真有意青迴綠繞迥無窮十年相見蓬萊上別後清
輝似夢中 日照飛流挂晚空匡廬瀑布宛相同輕烟暝處
看將斷落木寒邊聽不窮一派初如澄練合千尋直與大溪
通期君駐馬齊攜翰莫羨銀河賦獨工 古洞雲歸不見人
山房空掩綠苔新清池白石雙林夜啼鳥閒花半榻春方外
隨緣尋紫衲宦遊浪迹笑緇塵逍遙擬紉雲門侶布韞芒鞋

未有垠 春水澄藍玉滿潭潭光倒影映晴嵐錦鱗躍處肥
溪苻紅雨香遙老石楠有恨鳥歌空白晝多情花泪濕青衫
當年鼓枻曾臨眺賦就滄浪思不堪 菱花飛逐劍龍飄此
地空餘落鏡橋詞客佩遺痴似醉洛神粉濕恨應銷莫教照
鵝當簾見却笑騎鯨望月遙薄暮弄珠遊可卽曲欄吟處正
生潮 層峯聳翠拂雲標絕頂凝寒暑不消孤鶴遺踪天路
逼數螺浮黛海山遙霜清迥度王恭擎月白時聞弄玉簫我
欲與君遊汗漫栖真期此學松喬 南陽高卧石床間誰道
神龍此處蟠薜罅尙封瑤骨蛻苔花半濕玉鱗寒浮邱不醒
春如夢醉墨猶隨露未乾我欲留題寄陳迹桑田未邇遽飛

卷三

十

求放心齋

翰 仙客浮雲似野心偶經亭上一登臨飛揚已散瑤池影
歷歷空懷石室音捧日有情曾絢彩巢松無分祇沾襟君歸
原有招蘭賦鶴唳猿啼正滿林

陳先生祠在古靈祀宋龍圖陳襄襄字述古詳萬歲巷此里宅
祠堂也子孫宋代在婺源吳航科第不絕故里迄今落莫宋
時像設屏風猶存遺裔托蹟耕樵可爲太息 明林誌謁先
生祠循吏猶傳舊姓名鄉閭廟貌草長青輝輝俎豆垂千祀
濟濟雲仍繼一經遺愛半凋荒碣字英魂偏結故山靈至今
野老來祠下遙揖高山尙淚零 徐勣過陳先生故居曾從
册府見遺書立馬西風問故居草沒龜趺眠石闕屋頽鳴吻

易門閭英靈像設塵埃裏零落孫枝喪亂餘猶勝半山臺樹
勝祇今猿鳥哭荒墟 謝肇淛過陳述古故居蕭條曲逕鎖
秋烟異代衣冠尙儼然自向木屏書世系誰從秘閣講遺編
連雲甲第餘雙碣漏日茅茨祇數椽惆悵古靈山下路聞孫
自種鹿門田

林憲宅在古靈憲字文則隱居教授誼至高宣德正統間屢聘
校文俱不赴嘗作真宅號漁海歸航云永樂間有提舉佑字
原吉者其諸父也 明王褒爲林原吉題古靈舊隱閩中山
水稱古靈螺江赤岸旗山青荔圃柑園接島嶼梅村桃塢散
郊坰人家成聚互近遠半在市朝半歸隱門巷委蛇穿綠槐

卷三

七

求放心齋

籬落參差夾紅槿此地先賢昔日居兒童應識長者車東隣
機杼朝織練西舍燈火夜讀書故鄉風景爾何有年少交遊
恆白首烏庠新推從事賢誰道折腰羞五斗因言舊隱似盤
谷夢裏惟懷返初服蕙帶蘿衣江上春王孫幾望天涯綠長
風吹斷空江雲落花歸思同紛紛寄聲猿鶴遙相待草堂謾
賦北山文

古靈廟在福頂山上其神曰正佑王名姓無考唐天祐三年始
降靈於義興社後遷吳興復徙今所每歲孟春鄉人祈福祀
事甚虔故以福頂名其山宋政和八年賜額昭惠紹興十九
年封普濟侯二十九年加威顯乾道三年復加靈應 明徐

燭古靈廟古廟依山不記年石巖斜對廟門前瓦中碩鼠啣
香炮樹杪饑鳥啄紙錢百壘亂峯松塢雨幾灣流水板橋烟
青莎滴酒神靈去鐵騎無聲上九天
謝肇淛古靈廟松烟
十里翠冥冥立馬斜陽問古
豕半隨樵火炷廟門高對
石巖局潮通荻浦千重白路遶瓜山萬壘青洞口雲封人不
到漁歌遙隔蓼花汀

芹洲在十二都澤苗之

福溪流迅急歲久壅而成洲周

迴二十里陳氏居之隱然闔閩洲多產芹故名又以四面皆
水號海洲

龍湖山在九都界於永福其下有溫泉焉四時不竭號湯泉山

卷三

三

求放心齋

脚有湖甚廣龍居之故名俗呼上牛音訛也陳氏居之

安林寺在九都宋大觀三年建

報恩院在九都宋至和元年建

陳韡墓在九都龍湖村韡孔碩之子開禧進士累官端明學
士參知政事兼同知樞密院事福建安撫大使知福州卒贈
太師諡忠肅韡長治兵謀而能斷嘗知南劍州福建招撫使
又節制三路每出戰賊皆瞻落所向輒克夫人林氏亦忠義
有智計能相其君子